

АПРЕЛЬТЪ

8-це шистонза 1941 кизоня

40 (1836)

ПИТНЕЦ 10 тр.



Комсомолонь ВАЙГЯЛЬ

ВЛКСМ-нь МОРДОВСКИЙ ОБКОМЪ И САРАНСКИЙНЪ ГОРКОМЪ ГАЗЕТАСНА

ЛИСЕНДИ

9-це КИЗОСЪ

Адресъ: г. Саранск,
Советская ул., Дом печати.

КОМИССИЯТНЕНЬ ЛАНГСА РУКОВОДСТВАСЬ — РАЙКОМЪ ВАЖНАЯ ЗАДАЧАЦ

ВЛКСМ-нь Центральный Комитетъ XI-це пленумдонза меле кармась примосема активнай участия комсомолтъ сембе многограннай работасонза од активсь. ВЛКСМ-нь райкомтнень и горкомтнень видеса комиссиятне пашкотъкшнихть оцю работа первичнай организацийтнень лангса руководствать коряс. Активсь, конанц сувафнесазь комсомолтъ работасонза участия комиссиятне, глубокайста содасазь тя или тона первичнай комсомольский организациять деятельности, а тянь вельде могут максеме практический лезке производственной и внутрисоюзной работать цебарьгофтомаса.

Лама комиссият проявляют эсь работасост ценнай инициатива. Тянди примерке служай ВЛКСМ-нь Саранский горкомтъ военно-физкультурнай работать коряс комиссияц. Комиссиять председателец Фролов ялгась четтненьди максе порученият, конатнень пашкодемасна проверялшеви. Комиссиять ули активоец физкультурникнень эзда. Оцю работа мольфтьф комиссиять мархта Якостеръ Армиять 23-це годовщананц лемса лыжной комсомольский кросси анокламста и сонъ этафтомонза. Тя оцю работась максеозень эсь аф калдяв результатонзон. Саранск ошень комсомольский организациясь занязе кросса васенце вастъ.

Оцю рольса пропагандистско-агитационнай комиссиятнень. Сят райкомтне, конат ня комиссиятнень лангса вятихть повседневнай руководства, пропагандистский и агитационнай работась ладяф цебарьста. ВЛКСМ-нь Zubovo-Polyanskiy райкомсь максе пропагандань и агитациянь комиссиять работанцты оцю лезкс. Комиссиянь четтнень мархта этафневихть инструктивной совещаният. Комиссиянь четтне сидеста эрийхть первичнай организацийтнень эса, вятихть контроль «ВКП(б)-нь историать краткай курсонц» тонафнемаса и политграмотань кружокнень работасон мельге, организовандакшнихть платнай лекциянь тиендема, лездыхть комсомолецненьди, конат самостоятельнаиста тонафнесазь революционной теориять.

Тяниень пингть комиссиянь четтне этафнихть оцю работа Всесоюзной XVIII партийнай конференциять решениянзон и СССР-нь Верховнай Советъ кафекоде сессиянц материалонзон трудящайнъ кели массатненьди азондомасост.

Комсомольский организацийтненьди важнейшай задачка ащи школатненьди успеваемость кеподемаса и дисциплина кепомктамаса лезксонь максомась. Ня кизефкесень мархта аф калдявста занимадондай ВЛКСМ-нь Ельниковский райкомтъ школьной комиссияц (председательсь Лаврова ялгась). Комиссиясь це-

барьста содасы тя работать коряс района действительнай положения. Комиссиясь планц коре этафни пионервожатайнъ семинархт, распространяет цебарь пионервожатайхнень работань опытнон. И аф случайна, што тя района цебарьста ладяф школьной комсомольский и пионерский организацийтнень работасна.

Ряцок тяфтама положительнай примерхнень мархта улихть стама факт, мзярда лама комиссият мянь тячимс бездействуют, а ВЛКСМ-нь ня райкомтне ашезь шарьхкоде, што райкомтъ работац марнек зависит комиссиятнень эзда. Кда комиссиятнень эсь деятельностьснень ладязь образцовайста, то и сембе комсомольский работать состояниязь цебарь. Именна тя истинать аф шарькотъкшнесазь ВЛКСМ-нь Ковылкинский райкомтъ койкона комиссиянза. Тяса школьной комиссиять председателец Захарова ялгась школьной комсомольский и пионерский организацийтнень работасон мархта питай ёфси кодамовок руководства аф вяти, а комиссиянь четтненьди вестенге порученият ашезь максеев. Тяста лисенди, што койкона школатнень эса нинге ёмла успеваемость и лафча дисциплинась, а комсомольский и пионерский организацийтне ащихть ширеса эсь главнай задачасон эзда.

Нинге сядонга калдяв ся, што улихть нинге ВЛКСМ-нь райкомтъ, конат ёфси аф интересовандакшнихть комиссиятнень работасон мархта, ВЛКСМ-нь Рыбинский райкомсь комиссиятнень пуроптомост меле по-существу кодамовок указаният ашезь максе, не контролировал синь работасон. Важнейшай тевти безответственной отношениясь вятсь сянди, што пропагандань и агитациянь, культурмассовой комиссиятне работати нинге ашезь кярмотькшне. Комиссиятнень председателсьна Жучков и Борискина ялгатне четтнень нльне вестенге ашезь кочке, заданият ашезь максее. Тяфтажа работайхть райкомтъ илдькс комиссиянза.

Тяниень пингть ВЛКСМ-нь райкомтненьди работань тя областьса инь важнай задачка ащи ся, штоба максеме комиссиятнень работасонды лезкс, вятеме систематически синь мельгаст контроль. Нинге сядонга вишкотема активть ётка воспитательнай работать, вятеме решительнай тюрема сятнень каршес, кит первичнай организацийтнень лангса деловой руководствать подменяет болтавняса, бездельяса.

ВЛКСМ-нь ЦК-тъ XI-це пленумонц решениянзон педа-песэрифе этафтомасна ащихть надежной залогкс сембе комсомольский работать цебарьгофтомаса.



1941. кизонь апрельт 6-це шистонза Саранскийса ушедть массовой комсомольский гимнастический соревнованиене.

СНИМКАСА: ГТО комплекса вольнай упражненият пашкотъкшнесазь пединститутонь 1-це основной физматематический факультетонь студентне. Фотось А. Канифатьевъ

СОРЕВНОВАНИЯСА УЧАСТВОВАНДАСЬ 17 ОРГАНИЗАЦИЯ

Сембоц Саранск ошса апрельт котоце шистонза соревнованияса участвовандась 660 комсомолец и комсомолка, конат няфтезь эсь прыснон, кода отличнай физкультурникт. Организациятне, конат вятсь оцю работа од ломаттнень военной и физкультурнай воспитанияснон коряс, няфтсь отличнай результат, демонстрировандаз эсь аноклиснон арам социалистический отечествать границанзон аралама. Тяфтамкс лувондовихть педучилищань, наркомсобесонь, пединститутонь, 44-це № средний школань комсомольский организацийтне.

Соревнованиятне этаффт 17 комсомольский организациява.

Мысин,

Соревнованиятнень этафтомасон коряс главнай судьясь.

ОТЛИЧНАЯ РЕЗУЛЬТАТ

Саранск ошень 14-це № средний школаса гимнастический соревнованиянь васенце шиста улесь оцю оживления. Тяза сазь 39 комсомолец и комсомолка, штоба няфтемс эсь ловкостьснон—примамс инь активнай участия соревнованиятнень эса, тюремс первенствать инкса. Соревнованиянь участникнень лаомшксна, анокламок тя важнай меропрятиять

Максозь сембе норматнень

Педучилищань 175 комсомолец и комсомолка апрельт 6-це шистонза пурометь равна 10 части физкультурнай залти. Синь улесь анокт точнайста пашкодемс соревнованиятнень колга программать эса сембе упражненийтнень. Педучилищань комсомольский организациянъ сембе комсомолецне примасть участия гимнастический соревнованиятнень эса. Тя организациянь комсомолецне максозь вольнай движениять снаряде коре троеборьянь, комотнемань коряс норматнень.

Сембе организациясь получась цебарь оценка.

Волков.

этафтоманцты, няфтеть отличнай и цебарь показателхть. Лама комсомолец вольнай движениясь сембе кафека упражненийтнень пашкодезь отличнайста. Инь цебарь результатт няфтеть Тимонина, Додонова, Панова, Пестровская комсомолкатне. Синь упражненийтнень тиезь отличнайста, кочкамок 10-нь балл.

Додонова.



Саранскийнъ 12-це № школаста 9-це классонь ученицась Вера Жукова тиенди брусъя лангса упражненият.

Фотось А. Канифатьевъ.

АФ Организованность сюнеда

Рузаевка ошень комсомольский организациясь аф калдявста аноклась гимнастикась коре соревнованиятнень этафтомасонды. Но койкона комсомольский организацийтне соревнованиять этафтоманц ашезь организованда. ВЛКСМ-нь горкомтъ планонц коряс соревнованиятне должеттольхть этафтовомс вете организациява, а этаффт аныек кафтова (Железнодорожной училищаса и 38-це № железнодорожной средней школаса).

И ня организацийтнень эсовок соревнованиятне ушедфт 10 частъ васте 11 частса.

Илдькс колма комсомольский организацийтне эсь беспечноснон сюнеда соревнованиятнень этафтомасон сявезь. Тяфта 37 и 39-це железнодорожной средней школатнень эса соревнованиятне ашезь этафтов, сяс мес судьясь Макаровсь ашезь са.

38-це № средний школав судьякс кемокстафоль Комаровсь, конанц тяфтажа соревнованиятнень этафтома ашезь са. Эряви азомс, што Рузаевка ошень койкона комсомольский организацийтне аф шарфнихть мяль сянъ шири, штоба соревнованияса участия примальхть аф союзнай од ломаттне.

Советский Союз и Югославия йоткса дружбань и ненападениянь колга договоронь тиёмась

Переговоркнень вельде, конат мольтесь мекольдены шитнень Москуса, апрель 5-це шистонза подписанай Советский Союзтв и Югославиятв

йоткса дружбань и ненападениянь колга Договор.

Сяда алува няфневи Договортв текетоц.

Советский Социалистический Республикань Союзтв и Югославиянь королевстватв йоткса дружбань и ненападениянь колга Договорсь

Советский Социалистический Республикань Союзтв Верховнай Советонь Президиумоц и Его Величества Югославиянь Корольсь, ваномок кафцьке странатнень йоткса существующай дружбань лангс и улемок убежденнайхть сянь эса, што теист общай интересокс аши мирт ванфтомац, решили тиёмс договор дружбань и ненападениянь колга и тянь инкса назначендасть эсь ширьдест уполномоченнайкс.

ССР-нь Союзонь Верховнай Советтв Президиумоц

— Вячеслав Михайлович Молотовтв, ССР-нь Союзонь Народнай Комиссаронь Советтв Председателенц и Иностраннай Тевонь Народнай Комиссарть; Его Величества Югославиянь Корольсь.

— Милан Гавриловичтв, Югославиянь Чрезвычайнай посланникть и Полномоченнай Министртв,

Божин Симиць и Драгутин Савичть, полковникть,

кона уполномоченнайхне, эсь полномочияснон, конат ащихть эривикс формаса и надлежащай порядкаса, полафтомдот меле согласиндасть тянь колга:

I Статьясь

Кафцьке Договаривающей Ширетне взаимна обязуются воздерживаться ф к я - ф к янь лангс всякай нападениятв эзда и уважать СССР-ть и Югославиятв независимостьснон, сувереннай праваснон и территориальной целостьснон.

II Статьясь

Стама случайста, кда Договаривающей Ширетнень эзда фкять лангс ули тиф колмопне

государстватв ширде нападения, омбоце Договаривающей Ширесь обязуется ванфтомс тейнза дружественнай отношениань политика.

III Статьясь

Тя Договорсь тиендеви вете кизонь срокс.

Кда Договаривающей Ширетнень эзда фкьясь лафть срокть аделамдонза фкя кизода инголе аф лувсы эривиксонди денонсировандамс тя Договорть, то тя Договорсь автоматически мольтьсь эсь действиянц тага вете кизос.

IV Статьясь

Тя Договорсь сувси вийс эстакиге, кодак сон ули подписанай. Договорсь эриви ратифицировать кода можна сядя нюрхьяня пингста. Ратификационнай грамотань полафтомась должен ётамс Белградса.

V Статьясь

Договорсь тиф кафта оригиналса руский и сербо-хорватский кяльса, сяка пингть кафцьке текстнень вийсна одинаковой.

Моску, 1941 кизонь апрель 5-це шистонза.

СССР-нь Верховнай Советтв Президиумоц уполномочиянц коряс.
В. МОЛОТОВ.

Его Величество Югославиянь Корольтв уполномочиянц коряс.
М. ГАВРИЛОВИЧ
БОЖИН СИМИЧ
Д. САВИЧ.

ПЯШКОТЪКШНЕСАЗЪ ГРАФИКТЪ

Рузаевкань паровознай депоста 3-це комсомольский бригадатв коллективоц пашкотъкшнесыне производственной заданияснон, 211—58, 204—22, 204—24 паровоснень графика максф срокть пингста ремонтста лихтемаснон инкса, коллективсь сёрматф краснай доскати.

Ня паровосненди эривсь опю ремонт. Комсомолецне мастерть коммунистъ Павелъев и бригадирть Бушуев ялгать руководстваснон ала отремонтировали синь цебарь качества.

3-це комсомольский бригадста слесарьхне работаств проке стахановоцкс. Трудонь опю производительность няфть комсомолецне стахановецне Сергеев, конац нормани пашкотъкшнесы 200 процентс, слесарь Учалов 100 процентс, арматурщикс Резепов—160 процентс, слесарь Бушуев—195 проц. Зуботкин и Карабельшиков—145 проц. Беспалова. Рузаевка ош.

НАРУШАЮТ ВЛКСМ-нь УСТАВТЪ

Комсомолецне Еськин и Мадышкин 6 кофт апезь панда членский взносснон. Тя ВЛКСМ-нь уставти грубай нарушениань фактс должен улемс немедленна обсужденай комсомольский собраниясь. Но, аф тяфтама Од Лепью велень комсомольский организациятв секретарец Абрыйкин ялгась. Да кодане сон «сюпесыне эсь ялганзон, конатнень мархта шинек-иладнек пингонц ётафнесы марса.

Странна, што тяфтама ложнай товариществась, аф мушенды кеме отпор ВЛКСМ-нь Рыбинский райкомть ширденга. А сигналхть тя организациятв калдяв работанц колга райкомса ульсь и улихть. Тейнза пачфнесть, што Абрайкинц кодамовок работа организацияс аф ётафни, што комсомолецне тяса политический уровеньонон кеподеманц лангса аф работайхть и ставтов.

П. Купряшкин.

РСФСР-нь ВЕРХОВНАЙ СОВЕТТЪ IV СЕССИЯЦ

Апрель 5-це шистонза Сессиятв заседанияснон ульсь тиф итог 1941 кизонди РСФСР-ть государственнай бюджетонц колга докладть колма шинь обсужденианцты. Колма шиста пренияса корхтась 39 оратор, сембе ширде и обстоятельна разобрали синь сессияти кемокстамс максф бюджетть, по-хозяйски арьсекшнесь запроективанай дохоттнень и расхоттнень правильностьснон. Эсь выступленияснон эса народть избраниконза ульсь единодушнайхть: бюджетсь тиф минь родинаньконь интересонзон мархта полнай соответствиясь, марнек отвечахши ся задачатнени, конатнень путозень родинаньконь инголи ВКП(б)-ть XVIII конференциянц.

Заседаниясь ушедс докладчикть РСФСР-нь финансонь народнай комиссарть Посконов ялгать заключительнай валонц мархта.

Бюджетнай комиссиясь лихтсь предложения касфтомс бюджетть доходнай частенц 171 миллион 428 тежянь палковайда. РСФСР-нь Совнаркомсь поручил Посконов ялгати азомс сессияти, што сон согласнай тя поправкатв мархта.

Лама депутат эсь выступленияснон эса эняльдсть сессияти предусмотреть бюджета кой-кодама дополнительнай ассигнованиятв эсь областьснон, районон и республикаснон неотложнай хозяйственной и культурнай нуждаснонды. РСФСР-ть правительстватв опю мяльса

взносень депутаттнень сембе требованияснон и синь эздот ламотнень мархта согласиндасть.

Общай сложностьса РСФСР-ть правительстватв полдась хозяйственной и культурнай строительствади дополнительна 49192 тежянь палковай и кирьфтанень промышленность и торговлятв эзда бюджетти платешнень 29885 тежянь палковайда.

Тянь коряс сессияти кемокстамс максф 1941 кизонди РСФСР-ть государственнай бюджетонц тафтама:

Дохоттнень коряс—25 миллиард 129 миллион 208 тежянь палковай; расхоттнень коряс—25 миллиард 114 миллион 342 тежянь палковай.

Посконов ялгада меле заключительнай валазь РСФСР-нь Верховнай Советтв бюджетнай комиссиянц председателец депутатъ Власов. Сон мярьгсь, што бюджетнай комиссиясь согласнай касфтомс ся ассигнованиятнень, конатнень колга корхтась Посконов ялгась.

Сяда меле сессиясь единогласна кемоктась Закон 1941 кизонди РСФСР-ть государственнай бюджетонц колга.

Шинь порядкатв омбоце кизефиксонц коряс—«РСФСР-нь Верховнай Советтв Президиумоц Указонзон кемокстамасна, конат примафт III и IV сессиятнень йоткса пингть и конат эривихть кемокстамс РСФСР-нь Верховнай Советса» — докладть РСФСР-нь Верховнай Советтв Президиумоц секретарец

Бахмунов ялгась.

Сон докладонц коряс сессиясь единогласна примась Закон РСФСР-нь Конституциятв кой-кона статьянон дополненияснон колга и Законтв РСФСР-нь Верховнай Советтв Президиумоц Указонзон кемокстамаснон колга, конат примафтольхть сессиятнень йоткса пингть.

Верховнай Советсь по-большевистски шарфть мяль кой-кона наркоматтнень аф удовлетворительнай работаснон критиковандамаснон лангс. Особай постановлениясь сон предупредил лесной промышленностьнень наркомть Колданов ялгать, зерновой и животноводческий совхозонь наркомть Кривошеин ялгать и здравоохранениянень наркомть Третьяков ялгать сянь колга, штооа маластонь пингть машфтомс сессиясь лихтф аф сатыкснень и корянкец цебарьгофтомс эсь работаснон. Верховнай Советсь поручил РСФСР-нь Совнаркомти шарфтомс мяль ня наркоматтнень работаснонды и, ся случайста, кда наркомтне аф машфтсазь лихтф аф сатыкснень, путомс кизефкс сянь колга, штоба валхтомс синь эсь постснон эзда.

Колма частса шить РСФСР-нь Верховнай Советтв председателец депутатъ Жданов азоме РСФСР-нь Верховнай Советтв IV сессиянц сёлфонди.

(ТАСС).

Партийнай, советский, колхознай активонь республиканский совещания

Апрель 5-це и 6-це шинзон эзда Саранск ошса ульсь партийнай, советский и колхознай активонь республиканский совещания, конац посвященнайль Мордовский АССР-га сельскохозяйственной культуратнень урожайностьснон и животноводстватв эзда продуктивность касфтомаснон инкса колхозникнень трудонды дополнительнай пандомать колга ВКП(б)-нь ЦК-ть и СССР-нь Совнаркомтв постановленияснон

обсужденианцты. Тя кизефктсь коряс выступил доклад мархта ВКП(б)-нь Мордовский обкомть секретарец Петушков ялгась. Петушков ялгать докладонц коряс пренияса корхтась 22 ломань. Выступающей ялгатне азондозь ся производственной подьемть колхозникнень йоткса, кона кеподсь тя постановлениятв лисеманц мархта.

Тя постановлениятв значенианц колга колхознень эса

трудонь производительность кеподемаса корхтась МАССР-нь Совнаркомтв председателец Верендякин ялгась, земледелиань наркомсь Карпов ялгась, ВКП(б)-нь обкомть секретарец Сафонов ялгась и лият.

Совещаниясь примась обращения.

Бурнай овация ала примафт приветствиятв Сталин и Молотов ялгатнени.

Советский од ломатть, моледа тонафнема военнай училищав!

Тя кизонь апрель 15-це шистонза райвоенкоматтне ушедхть заявлениянь примама од ломаттнень ширде, конатнень ули мяльсна тонафнема Якстерь Армиянь военнай училищаса.

Заявлениятне кармайхть примосевома сухопутнай военнай сембе училищатнени: пехотнай, артиллерийский, связень, инженернай, бронетанковой, автомобильнай, технической, железнодорожной, медицинский, интендантский и лия училищатнени.

Мордовиясь улихть тежянтв юноша, конатнень мяльсна тонафнема военнай училищаса, арамс Якстерь Армиянь командиркс. Улемс мирса васенец Рабоче-Крестьянский Якстерь Армиянь командиркс, конац вельхязе эсь прянц неувадемай слава, минь странань эрь гражданинтв великай честей. Улемс фалу анокке великай социалистический родинатв араламанцты опю обязанность и почетнай долг.

Якстерь Армиянь командирхне—великай советский народть

инь цебарь перанза, минь не-объятнай странаньконь гордостец. Кирдемек эсь народонц мархта кровнай соткс. Якстерь Армиянь командирхне кружафт опю заботаса и кельгомаса советский правительстватв и Ленинонь—Сталинонь партиять ширде.

Военнай училищатнени примосевихть од ломатть 18 кизоста сявомок 22 кизоти молема, запасонь рядовой и младшай начоставсь, конат аделазь Якстерь Армиясь службань срокть и уволенайхть долгосрочнай отпуске. Запасета примосевихть сят ломаттне, конатнени аф 25 кизода лама.

Общай образованиянь обьемсь, конац эриви военнай училищав кандидаттнени, зависит училищань группатв эзда, но аф 7 класса кржа.

Комсомольский организациятнени и сембе общественности первостепеннай задачкась аши ся, штоба пашкодемс од ломаттнень желанияснон военнай училищав поступиндамать колга.

Тяникиге жа эриви азомдомс

од ломаттнени училищав примамать колга сембе детальхнень. Заявлениятнень училищав поступиндамать колга эривихть кучсем районнай военкоматтнени лична или жа почтаса. Заявлениясь эриви сёрмадомс кудонь и служебнай адрессень. Тяфтама можна кучемс заявлениятв непосредственно военнай училищань начальниакть лемс.

Райвоенкоматтнень эса эрь поступающейсь получахши исчерпывающей справкат сянь колга, кодама документ эривихть и мзярда синь максомс мзярда ётафневихть предварительнай испытаниятне и медицинский освидетельствованийсь, мзярда молема училищав приемнай испытаниясь и ставтов.

Военнай училищатнень укомплектованиясьна—политический и общегосударственной важностень опю тев. И тя задачатв пашкодемаса лама обязаттиемс комсомольский организациятне. Ленинский комсомолтв инь цебарь представителенза должетт улемс лейтенантокс, военной техникос.

И. Староватых, МАССР-нь Военнай Комиссарсь

Л и т е р а т у р н а я с т р а н и ц а

А. Дуйков.

Павазу саседема

Панда пряса ровнайста ащесть. Кера велеть порядканза. Веле пестя пилес калада кудняста лиссь серес аф оцю ава и вар-жакетсь лугать шири: Сргавзь-ляйс пиндолды полосанякс таргавсь туста кальнянен эткова. Шись арась валгома-ланге. Иляден зарьсь няевсь-якстерьдонга-якстерьста. «Тин-кнен» ширеста кеподьсть гу-льнят и пацяснон мархта ви-шкста шумназь лихсть паксать шири.

— Вов павазу нармотно, — ваномок гульнятнен ланге-пшкядсь Куйгорень Петарьсь, — кивок тейст аф шорай, кивок лангсост аф азорондай...

Варжакетсь сон лийть шире-са якстерьста палы зарьть ланге, лугать эзга мирдец-панць траксонь стада.

— Нать ванды тага ни пи-зем туй, — саворне мотордсь эсь потмованза. — Петань тага коське сурьянов аф ляды лангозонза. Тяфтаконга ни ли-хорадкась фалу тапай эсонза.

Эряста сувась ёмла кудня-зонза, озась шранц вакс и арьсезевсь.

— Эх сюдуфан! Кодама тя эряф, кеветиене кизось ваны стада, монць шинек-венек ра-ботан козятненди и эряфонь-конь ланге апер моли седиче, аш мезе лангозонк шамс, аш мезе пильгозонк шафтомс, а це-бяр сускомиянь колга аш мезь ни арьсекшнемска. Ку-доньковок тяти ванды калады.

Ашезь кенерь эсь потмован-за мекольден валонц азомс, пажевсь кенькшсь. Саворне аськолязь сувась мирдец.

— Ну, мес Анна прицень-тяфта нолдайть? Мезень колга-тяфта арьсекшнать? Ужнафто-лемайть ни штоли?

— Озак, озак. Лямне пи-лень. Сязганонь Мишаряти ужалкь а раме, капстанят кандсь...

— А косот шабатне?

— Да вона синь учеть-учеть эсот, и матодовсть вачеда. Кат-ни удыхть, мезенге цебярне аф няихть.

— Да Анна, тонь видеце, — ушедсь корхтам Пета.

— Аф павазуфтама минць, аф павазуфт иденьковок. Но минге ульхтяма павазуфт. Си-деста лятфнесайне аф содаф-ломанть валонзон. Тевсь ульсь-тяфта. Иотай кизоня, пидезь-пидесь шись, траксне коданга аф кирдевихть тейне. Валхты-не синь стойлав. Монць тар-гайне кескавнястон кши кочам-нязень и ушедонь ярхцама. Вирьнять потмоста лиссь ке-ден пинжакса аф содам ло-мань и нежедсь ваксозон.

— Шумброт постуф ялгай! — пшкядсь тейне.

Мон ильне эводень. Первай-нинге кулень тяфтама седивакс-стонь ласковай вал. Озась вакс-озон. Кармась кизефнема эря-фозень колга. Ну, и мон сем-бонь азондыне, кода эрятама, кода козятне наругайхть бед-най ломаттнен лангса. Кулх-цондсь эсон оцю мяльса. Мзар-да аделайне корхтамазень, сон-тейне марьгсь.

— Ну постуф ялгай, аф ла-мос кармат тяфта пичедема. Курок рабочей ломаттне и бед-най крестяттне сьвсазь эсь-кядезост властть, эряфть ти-сазь эсь лапост. Тя пингти-лядсь ни аф лама. Эста сембе-трудящайхне кармайхть эряма-павазу эряфса. Сембе беднай-крестяттненди максыхть мо-да...

Сон азондозе тейне мес це-бярьста эрийхть козятне и мес-кальдяста беднайхне. Мон аф-содаф ломанть валонзон мзар-донга аф юктасайне, синь ни-пак видет. Кафта частшка ма-рхтон корхнесь и тусь ошть-шири...

Иотнесть ни сёксень пизем-шитне.

Пета ёфси плохстомс, маря-зе приц пак лафчста. Иднян-за — Степа мархта Вания аварь-кшнесть аляснон вакса. Пета-рясь эрязста тусь воражъян-ка. Аф лама пингта меле мрдась-ни меки Йоремань Иванорять-мархта.

— Ну Аннакай, — пшкядсь-воражъясь, — дай тейне лакафт-ведьне.

Лакафтеть тие корянь мар-хта ведня и тя «лекарствать»-максозь сярядити.

— Тичикиге пчкяй, — пшкядсь-воражъясь, — анык ламоняс-озонт шкайти.

Воражъять «лекарствада» ме-ле Пета сидонга плохстомсь. Тердзень шабранон. Петань-путозь эзем прыв. Петарьсь-оцю вайгяльса кармась аварь-дема, сельмеведенза снавкс-ке-вореть шаманц ланга. Вар-жакетсь петва ланге: иднэнза-удость. Эряста нежедсь мала-зост и кармась сьвфнемост.

— Иднине лэфкскайне, стята-пращандама алянтень мархта, паласть сонь, а тоса маттада...

Вания мархта Степа стять. Шудерксоск-шюдеть сельме-ведьсна иднятнен.

Ульцяса уфась тилонь як-шама варма. Валдомом лангть, мзарда атёкшине сидеста кар-масть кукоряма Куйгорень Пе-та кулось...

Мольсь 1917 кизось... Пета-рясь работась пошь пале. Ушедеть тундань мани шитне. Сембе велесь лиссь паксав ра-ботама. Петарьсь тийсьне пошь-кудонь тевонзон, а тоса шоб-далгодомс работай паксаяс.

Анык веть яксесь иднянзон-варжама. А Петаряти ашель-кода кудстонга лисемс. Анык-коза лиси, эстакиге попавась-ушеды сюекшнемс.

— Коза юмась дромедкась? Вов работань аф кельгись. Тейнза ба анык ласькондемс-да ласькондемс...

Ванять мархта Степа кой-коста яксесь пошь усадьбан-цы, учендсть мзарда лиси те-рясна и макс сускомия. При-метазень иднятнен попавась и-взафтозе лангозост пинени. Ва-ня мархта Степась шамамста-кармась пишкодма. Петарьсь-сускозень пеензон и шудерк-сокс тусть сельмеведенза.

Лама сельмеведь пярдсь, ла-ма наругада кирдсь сирота ид-нянзон инкса.

Шись арась обед шири. Попсь коста бди сась куду ка-ретаса. Сувамон куду, прыме-тазе, кукаркац пирьфса мезе-бди работай.

— Мес паксав работама-ашеть ту?

— Кядезе сярди батюшка, — отвечась Петарьсь, — нарыв-вов кядсон, мезевон аф кун-дави мархтонза.

Попсь келентезень сельмон-зон, ермозе конянци оцю вай-гяльса ювадсь:

— Эх сволочь, ярхпат ко-лма ломаненкса, а работама-кядьне сярди. Марш работама-таникиге, штоба сельминголен-афолихтень няй.

Петарьсь срхкась паксав ра-ботама. Сельмеведенза шюдеть-шаманц ланга. Кудынголи-лисс попавась, теткозень сель-монзон Петарять ланге и-пшкядсь:

— Ну тичи илядс кармат-срхксемс, шис валгомаць учат-штоли? Мезь притворяндат-кядьцень мархта.

Кайгиста корхтамать кулезе-попсь. Эряста лиссь горни-цяста.

— Нинге штоли изь ту? — ювадсь сон.

— Сейчас туян батюшка, анык кядезе пак сярди,

— Давай мон пчкафса, — кайги вайгяльса пшкядсь-попсь, — монь лекарстведе ули...

Эряста сувась меки горни-цав. Кафтошка минутада меле-лисс.

— Няфтьке сярди кядь-ценъ?

Петарьсь юксозе сурстонза-сотксть и пшкядсь:

— На ванк, кли аф верон-дасамак.

Попсь кундазе кядьта и-ювадсь:

— Шарфтт омба шири, мон-курокта пчкафса...

Эстакиге таргазе зепстонза-бритвать и керозе сурстонза-нарывть. Петарьсь шамамста-ювадсь, маштеть ёженза и-прась модать ланге.

— Вов и пчкяй тичи, — пе-дезевсь попсь, — ату кядец-ся-ряди.

Пале частошка кукаркац-ашезь стьякшине вастстонза. А-тоса попавась сьвфтозе и па-незе паксав работама.

Моли прагонть эзга, а сель-монза толкс палыхть, сембе-модась присонза шары. Пач-кодсь паксав и ушедсь пошь-сиводьф ломанензон мархта ра-ботама. Призонза ёжовок ашезь-сашенда. Чуть-чуть учевсь-шить валгомац. Тетердз пач-кодсь куду. Омбоце шина васт-стонзонга ашезь стьяв. Таргозс-сембе кядец. Заразиндась версь-и колма шинь пингста кулось, ашезь кенерь прощандамса-иднянзон мархтонга.

Лама пинге Ванькать мархта-Степа кескавняснон мархта-кя-день пецек яксесь велетнен-эзга и кши сускомонь кочказь-трякшнесь пряснон. Лама ну-жа няйсть родительснон пинг-ста, сьда лама савсь нлемс-куломдот меле.

(Полатксоц моли).

Ф. ДУРНОВ

БАЗАРУ

Стянь шобдава,
Варжакстонь

вальмава

и няйса

Шуди веднясь сенемгодсь,
Шуфтомсь фкя вастс лийса.
Ляень кафцьке берякненъ
Акша нумол кедьса
Веть кать-кие вельхтязень
Аккуратнай кядьса.
Менельсь валонф кулуса,
Комаф тапта шавакс,
Якстерь мяште шякшата
Лийксни шуфттненъ прыва.
Крышкастонок варманясь
Йордась акша комлят
Алязень ланге,

кептерьса
Конац ётафтьс кормат.
Каршесонк утомста
Стёпа сёрот шамды,
Цёрац лезды тейнза,
Шары торонь кандыкс.
Ош-базару кенордайхть
молемс

Алят-цёрат...

Эх, кать-мезе оцю тев
Тиемс тяфта ёрайхть.
Аф стак сон исяконга
Фалендась ульцяса,
Што рывай стама ланге,
Конань сембе шнасазь...

Кафта стирьхть —

поддекасот —

Молихть ки кувалма,

Корхтамбачка

варьжакснихть

Коль тя пали,

вальмав.

Кядьбесост रुपнянса

Кати-мезе кандыхть,

Мельгаст лий седизе,

Мельгаст синь сударды.

Вов рогажнай нурдса сай

Сатозень фкя цёра

И, наверна, озамда

Марьгсь синдейст ёру:

Стирьхне —

ласькозь мельганза,

Вов ни фатяйхть нурдти, —

Но сон айгорть нотфазе,

Синь лангозост уркстозь.

Эх, стирнязе, кодане

Верондаты нахалти,

Кода шарфтыть шамацень

Аеркс пёрань валти?
Али аш тонь арфтыне,
Али, марьгат, лишнайкс
Ули, кда оду мон
Тага сьван лишме? —
Аф кржа работаме,
Трудошиньке сатыхть,
Утомса сусеконок

сёроньке

Вельф шадыхть...

— Аляй, меки самозон

Тозерхт кякавс марак,

Тичи цебярь базару...

Саты учсемс, марак... —

— «Врема» цёрай, время

ни...

Стёпавок ни, вона,

Курок ёрай кучемда

Кать-кинъ пали конакт. —

— Аляй, што ли Стёпатненъ

лаца

Минь аф сафтсась,

Ванак, нинге кодане

Цёранц нолгонц нафтсась. —

Айгорть нарайхть пиленза,

шеец —

цёканцёрокс.

Морайхть нурда поласне

Салаване морот.

Хрёпнихть копытанза,

Келихть — кода пачкалет,

Алдост шири општын

Лофокс туста

качам,

Кафта пали реський

Гривац равжа кяшекс.

Сельмостонза толхт лячихть,

Бонясонза — таште.

Вакскаст струна столбатненъ

Лиезь минь лийхтяма.

— Эх, аляй, а свадьба, —

Ватт, сьда лац кштитяма.

1941 к.

А. МАЛЬКИН

КУДСА

Куду лажачненъ кунара,
И вов тичи мон кудсан,
Тядазень путф самовароц —
Велень танцти чай учан.

Сась монь эзназе. Сон сире,
Марнек сакалоц седой.
Атась светса векоц эрясь —
Ульсь работниксь золотой.

Кенерсь чайське. Минь
синтяма
Марса танцтиста куватьс.
Фкя-фкянь ряц кизефнетяма:
Кода эрять? — станяк лац?

Тядазе минь перьфкан шары,
Кода уле гуленя,
Мялезонза сонь пак пара:
Рамань тейнза रुपя.

И минь басняньконь чайть
вельксса,
Марьгат, аш ёфси песна:
Шудихть тьса горняй лайкс:
Кие — мезе содась, няйсь?

Корхтай атась — тевсь честь-
честью
Тядде минь колхозонк тиф:
И мон таргань зепстон эста
Мокшень кяльса сёрматф
стихт.

Атась кармась курендама,
Таргась зепстонза трубканц,
Мон сонь эряфонц кувалма
Ся пингть мокшень стихт
луван.

— Неужели — корхтай —
цёрай,

Нятненъ сёрматкшнесайть
тонць.

— Аляце ульсь модань
сокай, —

Ну, печник... вов улень
мон.

Атять мархта стихненъ
колга

Марса корхнеме мзарс...

Минь шраньконь лангса
ордадсь

Ськамонза катф самоварсь.

А ульцяста веттненъ
горьфсна

Куду марявесь —
шумондайхть.

И минь кудсонк зойнязь морси
Од морхт-весьла тундась.

1941 к.

Школьный эряфсь



ШКОЛАТЬ ОТЛИЧНИКОНЗА

Комсомолецень—10-це классонь ученикнень И. Топильниковъ, П. Мурзаевъ, И. Тетеринъ, Сараевъ Василь Од. Выселкань средний школань ученикне содасазь, кода цебарь общественниконь и тонафниень.

Сембе дисциплинатнень коряс синь отличнайхть отметкасна. Топильников, кода первичнай комсомольский организация секретарь, Мурзаевъ—кода стенгазетань редактор, Сараевъ—учкомонь председатель,—сембе синь эсь классост и эсь вастсост прокс комсомолецекс тюрст и тюрхт школать учебнай планонц пашкодманц инкса.

Шиндин.

Зубово-Полянский район.

ЦЕБАРЬСТА ТОНАФНЕМАТИ—ЭРЯВИ ПУТОМС ВИЙ

Советский итне мирса инь павазуфт. Синь колгаст эрьшина заботендайхть партиясь, правительствась и лична Сталин ялгась. Тя тядень заботати эрь учениксь и ученицась должен отвечахнемс цебарьста и отличнайста тонафнез.

Ковылкинский железнодорожный 43-це № средний школаса аф кржа ученик, кода Никитин В., Чайкина и лиятне тонафнемаса няфнихть анычек отличнай показателхть. И. Ломакин.

Ковылкинский район.

УЧЕНИКНЕ ЗНАЧКИСТТ

Перхляй велень аф полный средний школань ученикнень ёткаса цебарьста ладяф оборонно-воспитательнай работась. Мекольдень пингть тьса лама ученик максозь норматнень ГСО-нь значокти.

Норматнень максомста военносанитарнай тевть содамаса цебарь результат няфтсь Сидоров Ильясь, Борисов Егорсь. Е. Борисов.

Рузаевкань район.



Карпаты пантнень эса тундась

СНИМКАСА: Виженки велень (Вижицкий район, Черновицкая область) самодеятельнай драматический кружоконь активистне Е. П. Кочерган (кержи ширеса) и К. И. Повшак

Фотось А. Злаинть (ТАСС).

УСПЕВАЕМОСТЬ 95 ПРОЦЕНТ

Челматкин комсомолец ащи класснай руководителкс Пирапа велень аф полный средний школань 7-це «А» класса. Сон, кельгомок эсь тевонц, тядень тонафнема кизоть колмоце четвертьстонза сатсь оцю успеваемость—95 процент. Тя классъ занцесы тонафнемас и дисциплина коре школаса васенне вастть.

Воспитательнай работать мольфтеманц вельде лама ученик тонафнихть отличнайста и

цебарьста, прыснон вятсазь дисциплинированнойста, Матвеев Борась, Кучков Колясь и лама лият колмоце четвертьста получасть анычек отличнай отметкат. Тяниень пингть синь кярмодсть ётаф материалть повторениянцы, штоба завершающей четверть аделама оцю сатфкс мархта. Синь максихть лезкс 7-це «Б» класса тонафни отстающей ученикненьди.

Сергин.

Ковылкинский район.

ИСПЫТАНИЯТНЕНДИ

Аделавсь III-це четвертьс. Школатнень и тонафнихнень инголе арась задачась—анокламс испытаниятненьди.

Тя задачати анокламати колга пачфнихть Шямонь велень НСП-ста (Ковылкинский район) и Мамолаевань средний школаста (Рыбинский район). Сообщениятнень эса корхтати, што лама ученик, аделамок III-це четверть анычек отличнай отметка мархта, кармасть повторять ётаф материалть.

Школань педколлективне тисть расписаният испытания-

тнень коряс. Комсомольский организацияне ётафтсь специальной собраният, класснень эзга нолдафт стенгазетань специальной номерхт, конат тяфта жа посвященнойхть испытаниятненьди.

Кадошкинский райононь Палева велеста пачфнихть, што тя велень школаста сембе пионерне III-це четверть сатсь 100 процентнай успеваемость. Синь саявсть лангозост обязательства испытаниятненьге максомс сяда процентнай успеваемостьса.

Успешнайста аделама тонафнема кизоть

Шонгар велень аф полный средний школаса омбоце четверть коряс колмоце четвертьста сяда цебарьста ладяфолъ школаса учебно-воспитательнай работась. Тянь вельде ламода кассь успеваемость и кемокстась дисциплинась, кассь посещаемость—97,4 проценте.

Кассь ламода тонафнемань тевса отличниконь и ударниконь лувкссь. Терешкин, Пальченкова, Фролов, Евюшкина ученикне цебарьста тонадозь программать коряс ётаф материалть—тонафнихть анычек отличнайста и цебарьста.

Котопе классонь ученикне, кемокстамок эсь ётковасть социалистический соревнованиянь договорхт, вишкста тюрст

колмоце четверть успешнайста аделаманц инкса. Тя классста ученикнень ламошксна тонафнихть анычек отличнай и цебарь оценка мархта, примосихть активнай участия школать общественной эряфсонза, аккуратнайста пашкоткшнесазь поручениятнень.

В. Шанкин.

Ковылкинский район.

20 участник

Деятельнай аноклама мольфтсь Наркомсобесонь первичнай комсомольский организациясь гимнастический соревнованиятненьди. Эрь комсомолец и комсомолкась соревнованинда инголе цебарьста тонадозень сят упражнениатнень, конат азфт программать эса. Сяс и оцю мялса учсть синь сяшить эса, мзярда синь тийхть результат эсь оцю работаснонды.

А апрельть котоце шистонза сембе комсомолецне азф пингти аккуратнайста састь соревнованияса участвовандама. Инь цебарьста аноклафта сась соревнованияти Литина комсомолкась команда. Тя командась вольнай движениятнень коряс упражнениатнень пашкоткшневень точнайста, нарушенияфтома, няфнесь оцю организованность и кеме дисциплина.

Киселева.



Бензинть аф улеманц сюнеда Данияса прибегают конной тягати.

СНИМКАСА: Копенгагенца автобуссь, конац шарффт дилижанкс.

Фотось ТАСС-ть.

ГЕРМАНИЯСЬ АЗСЬ ВОЙНА ЮГОСЛАВИЯТИ И ГРЕЦИЯТИ

Апрельть 6-це шистонза ра-на шобдава германский армиять вооруженнай вийнза ушедсть военнай действият Югославиять и Грециять каршес.

Гитлер обратился радио вельде германский народти и югославият фронтонь солдаттненьди воззвания мархта, конатнень эса и азовдсы сянь колга, што апрельть 6-це шистонза шобдаваста ушedomок Германиясь ащи войнась состоянияс Грециять и Югославиять мархта.

Германиять и Югославиять ёткаса отношениятнень колга германский правительствать официальной заявлениясонза няфневихть лама факт и сылка Англиять и Югославиять взаимоотношениясон эзда койкона документтнень лангс. Германский правительствась, корхтати заявлениять эса, макссь приказ германский войскактненьди применить Югославияти отношенияс сембе эсь военнай мощени.

Германский иностранный тевонь министрсь макссь греческий посланикти нота. Сонь эсонза няфневи лама факт и документ, конат корхтайхть Грециять солидарностенц колга Англияти, а тяфта жа корхтати, што Грециясь ащи «единственный европейский государствакс, кона разрешил английский войскактненьди сувамс европейский территорияти». Нотать эса корхтати, што германский вооруженнай вийхненьди максф приказ панемс британский вооруженнай вийхнень греческий территориять эзда» и што «всякая сопротивле-

ниясь, кона ули тиф германский вооруженнай вийхненьди, кармай беспощадна тапсегома».

Германский информационный бюрось пачфнесы Германиянь вооруженнай вийхнень Верховнай командованиясон сводканц. Сонь эсонза корхтати: «сяс мес Грецияса английский десантнай войскактне молихть север шири и шовореть Югославиянь мобилизовандаф вооруженнай вийхнень мархта, германский армиять частенза апрельть 6-це шистонза шобдава тусть контрударонь тиема. Германский войскактне несколько вастса ётазь греческий и сербский гранипатнень. Германский авиациясь бомбардировандазень сербский аэродромнень. Германский авиациять крупнай соединениянза атаковандазъ Белградть укреплениязон, машфтозь казарматнень, а тяфта жа военнай и военнай ширде важнай сооружениятнень. Итальянский авиациять соединениянза тяфта жа успешна бомбардировандасть важнай объект Югославияса».

Греческий телеграфнай агентствась пачфнесы греческий армиять верховнай командованиянц сообщениянц, конань эса корхтати, што апрельть 6-це шистонза шобдава вете-частста 30 минутаста германский войскактне, конат ашестъ Болгарияса, ушедсть наступления греческий пограничнай частьтнень каршес, конат ашихть греко-болгарский границать маласа. Греческий войскактне, корхтати сообщениять эса, тиендихть сопротивления.

(ТАСС).

Английский войскактне сувасть Аддис-Абебав

Апрельть 6-це шистонза Рейтер агентствась пачфтсь официальной сообщения, конань эса корхтати, што английский войскактнень передовой отрядс на сувасть Аддис-Абебав.

Аддис-Абебасъ 1893 кизоста саявмомок—Абиссиниять столи-

цац. Сяда меле, кодак 1936 кизоня Италиясь завоевал Абиссиниять, Аддис-Абебасъ—главнай ош Итальянский Восточнай Африкаса, конань составс су-сихть Эритреясь, Абиссиниясь и Итальянский Сомались.

Аддис-Абебаса лувондови 160 тэжянь населения. (ТАСС).

Италиясь выступил Югославиять каршес

Стефани агентствась пачфнесы итальянский правительствать официальной заявлениянц, конань эса корхтати, што Италиясь решил марса Германиять

мархта выступить Югославиять каршес. (ТАСС).

Ответ. редакторсь И. ЧУДАЙКИН.